

■ COLUMNA

Nova Fundaziun Origen mereta admiraziun e renconuschientscha

DA MARTIN KILLIAS,
PARSURA PRO PATRIA SVIZRA

In Graubünden ist es üblich, Ansprachen mit «stimadas auditoras, stimads auditors» zu beginnen – und dann auf Deutsch weiterzufahren. Das geschieht mit grosser Selbstverständlichkeit, von Landquart bis Campocologno, Castasegna oder San Vittore, von Davos bis Tschamutt, Vnà oder Müstair. Für einmal wollen wir es umdrehen und hier in den Sprachen der Minderheiten weiterfahren, weil Riom nicht in der deutschen Schweiz liegt und das Territorialprinzip gebietet, dass ein Anlass wie der heutige sich nicht nur in der Mehrheitsprache abspielt.

Igl onn 1972, cu Henri-Louis Wakker ha mess a disposiziun ils mieds finanzials per in premi annual, vulevan el sco era ils responsabels da Pro Patria Svizra sustener mintg'onn ina vischnaunca cun gronds merets pil manteniment della ierta culturala e da siu maletg intact. Ei se tractava da defender bials vitgs e monuments buca mo tras iniciativas politicas ni giuridicas, mobein era da promover las stentas pil manteniment dalla ierta architectonica tras in gèst positiv. Quei concept ha funcziunau bein duront biars onns, mo tschenta dapi in cert temps sfidas adina pli grondas. Il diember da vischnauncas svizas ei per semeglia sereducius da varga 3000 a forza aunc in tec daplì che 2000, schia ch'il diember da «candidats» va cuntinudamein anavos. Pli grev ei che las novas vischnauncas fusiunadas daventan medemamein adina pli multifaras



en lur structura architecturala. Questa heterogenitad renda adina pli cumplacada l'attribuziun d'in premi, damai che grondas vischnauncas muossan mo darar in maletg dil tuttatfatg positiv. La regla ei plitost in maletg mischedau dad aspects positivs e meins emperneivels.

Sco la presidenta dalla Cumissiun «Wakker» da Pro Patria ha gia relatau havein nus tscharniu uonn buc ina vischnaunca, mobein priu novas vias ed honorau ina iniziativa tut particulara. Cun grond entusiassem attribuim nus il premi ad in'ovra fetg bein gartegiada sut tuts aspects. Glied dalla muntogna ha transformau in vitg alla periferia muntagnarda en in punct d'attracziun culturala da gronda muntada, tras teater, ballet e musica da stupenta qualitad. Quei ha buca mo purtau novas plazzas da lavur el vitg, mobein ha oravontut empermess da procurar ina nova funcziun a veglias casas bundunadas. Senza Origen fussen ellas idas cul temps en ruina e la finfinala svanidas. La muntada dalla Nova Fundaziun Origen pil manteniment dall'ierta culturala ei la veritabla raschun dall'attribu-

ziun dil Premi Wakker. Teaters e concerts, specialmein era da chors, ha ei dau adina el Grischun ed oravontut ellas valladas romontschas. L'Opera Viva per semeglia realisescha schizun operas ella Surselva. Tuttas tschellas iniziatiavas ein secapescha fetg impurontas, per la cultura locala ed oravontut per stimular il turissem duront la stad. Mo tochen dacheu ei negina dad ellas sedrizzada viers l'ierta culturala architectonica. La particularitad dad Origen che giustifichescha precisamein d'attribuir ad ella il Premi Wakker ei igl engaschi per ils vegls baghetgs. Mirei las bellezia casas entuorn il plaz cadruvi el center dil vitg, dalla casa communal e da scola alla casa Frisch, la Villa Carisch ed il prestigius nuegl «La Clavadeira» che survescha oz sco sala da teater. Forsa il pli evident e fascinont exempel ei il casti da Riom. Dapi ch'ins ha spazzau entuorn ils 1860 il tetg e sia structura interiura eis el staus en cuntinuada degradaziun. Oz ha el anflau ina stupenta nova funcziun sco sala da teater. Ad Origen sei ei era gartegiad da retscheiver tuttas lubientschas per las transformaziuns necessarias, dalla tribuna allas plazzas per aspectaturs tochen al tetg niv.

La Nova Fundaziun Origen mereta tutta nossa admiraziun. Il Premi Wakker ei la caschun buca mo per gratular, mobein era per gir «grazia fetg» – per las stupentas ideas, las stentas cuntinuadas ed il quitau per l'ierta culturala dalla Val Surses.

* Laudatio a caschun dall'attribuziun dil Premi Wakker alla Nova Fundaziun Origen.



Visualisaziun dal complex da kino a Cuir.

Nov kino a Cuir curt avant construcziun

■ (cp) Betg sco planisà mez avust, ma insacura quest atun duai vegnir cumenzà cun la construcziun dal kino grond planisà a Cuir.

Ushia vegn il represchentant legal da la societad da construcziun City West, Romano Cabannes, cità en la gasetta «Südostschweiz». Ins veglia entschaver cun las lavurs malgrà che la senten-

zia definitiva da la dretgira federala manca anc. Vischins avevan tratg vinavant la sentenzia positiva da la dretgira administrativa grischuna avant dretgira federala.

■ NOVITADS WWW.RTR.CH

Concurrenza per Della Vedova al timun da Poschivo

Per il sez da «podestà» da la vischnanca da Poschivo va en cursa d'actual president communal Alessandro Della Vedova er anc in segund candidat en la persona da Giovanni Jochum. Sco quei che la gasetta online «Il Bernina» rapporta ha Alessandro Della Vedova da la ped confermà da candidar per in'ulteriura legislatura a la testa da la vischnanca da Poschivo.

Cun il deputà Giovanni Jochum da la Partida liberaldemocratica survegn il titular d'uffizi ussa concurrenza ils 23 da settember 2018. Ils Puschlavins avevan elegi Jochum sco nov deputà il zercladur 2018.

Per Alessandro Della Vedova ch'aveva gudagnà il cumbat electoral dal 2010 encunter Martino Luminati signifitgass l'elecziun sco president communal da Poschivo la cuntinuaziun per ina terza legislatura.

Il num dals candidats per il cussegl communal n'èn anc betg uffizials. Il suveran da Poschivo decida quella dumengia a l'urna tgi che vegn ad occupar ils sez per la legislatura 2019–2022.

Repower ha augmentà la svieuta

La Repower ha augmentà la svieuta per 16% l'emprima mesadad dal 2018 sin passa in milliarda francs. Il gudogn saja «stgars positiv», scriva il concern d'energia grischun, senza numnar cifras concretas. Pervi da defectes technics saja l'ovra Te-

verola crudada ora per pli ditg e quai haja gi in'influenza negativa sin il resultat. Repower quinta che las marschas en la branscha d'energia sajan vinavant sut squitsch. L'interpresa haja dentant ina basa da chapital solida per pudair resistester.



La sedia principala da Repower è a Poschivo.

KEYSTONE

Predicatur da sectas Ivo Sasek è in um liber

El ha gi success cun il recurs per la dretgira regionala Plessur. Quella ha relaschà la sentenzia da la procura publica dal 2012 che muntava a 1500 francs ed ulteriurs 8000 francs chasti cundiziunà. La procura publica aveva sentenzià Ivo Sasek perquai ch'el aveva envidà Sylvia Stolz per in referat ed uschia dà ina plattafurma a la snegaziun dal holocaust ed a la discriminaziun da rassas. Stolz era numnadamain gia vegnida

sentenziada en Germania perquai ch'ella aveva snegà il holocaust. Er en ses referat dal 2012 en la Stadthalle a Cuir aveva ella numnà quel ina invenziun nua ch'ils mussaments persuent chasti cundiziunà. Tenor il portal da novitads online «Watson» haja la dretgira regionala Plessur relaschà al predicatur da sectas Ivo Sasek ils chasts e la culpa perquai ch'el n'haja gi nagins motifs rassistics ed er in'intenziun eventuala haja mancà.



Il predicatur da sectas Ivo Sasek en acziun.

MAD


■ L'AURA

Fin dumengia plitost surtratg

Situaziun generala: La zona da pressiu auta cuntinuescha ad indeblir.

Oz: Malgrà furmazions da nivels detg sulegliv. Durant il di intgins uradis u temporals. Temperatura la damaun var 16, il suentermezdi var 29 grads. Cunfin da nulla grads sin 3900 meters. Engiadina: Per part sulegliv. Durant il di nivels da cumulus e vers saira uradis u temporals.

Prognosa: Nord: Venderdi e sonda alternant surtratg cun uradis u temporals, dumengia avantmezdi anc ferm surtratg, il suentermezdi sa sclerischa l'aura. Sid: Venderdi e sonda mo per part, dumengia detg sulegliv.



Vischnanca da Vaz: Elecziuns da cumbat

Per il post dal president communal datti dus candidats. Quai è il president vertent Aaron Moser da Lain ed il candidat nov Lucas Margreth ch'è pur a Lain. Ier è vegnida publicada la glista definitiva dals candidats per las autoritads communalas per ils onns 2019 fin 2021.

Per la suprastanza communal è vegnidas inoltradas sis candidaturas per quatter posts ch'èn da reparter.

Ina gronda roschada datti en il cussegl communal che sa cumpo na da 15 persunas. Qua è vegnidas inoltradas 17 candidaturas – 10 da quellas èn persunas novas. L'emprim scrutini a l'urna è ils 23 da settember.